

Ժողովուրդ

27
(2693)

23 փետրվարի հինգշաբթի 2023
տպագրության ժԲ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՇՈՒԲՆԵՐԸ ՊԱՐԱԾ ՄՊԱՍՈՒՄ ԵՆ



Արցախում այսօր շրջադարձային իրադարձություններ են սպասվում. բոլորը շունչները պահած սպասում են Արցախի նախագահի այսօրվա ուղերձին:


«Ժողովուրդ» օրաթերթը տեղեկացավ, որ ԱԶ նախագահն իր ուղերձը հրապարակելու է կեսօրից հետո ֆեյսբուքյան իր էջում: Նշենք, որ այսօր Արցախի ԱԺ-ն նիստ է գումարելու, Արայիկ Յարուբյանյանին առաջարկել են գալ խորհրդարան է: ԱԺ ամբիոնից ուղերձը հնչեցնել, սակայն վերջինս հրաժարվել է՝ նախընտրելով ուղերձով հանդես գալ ֆեյսբուքյան իր էջում:

«Ժողովուրդ» օրաթերթը տեղեկացրել էր, որ Յարուբյանյանն իր ուղերձում պատրաստվում է հայտարարել պետնախարար Ռուբեն Վարդանյանին աշխատանքից ազատելու մասին: Յարուբյանյանն էլ, որ Արցախի պետնախարարի նոր թեկնածուն գլխավոր դատախազ Գուրգեն Ներսիսյանն է, որն, ի դեպ, հաստատել է արդեն, որ նախագահից նման առաջարկ ստացել է: Տեղեկացանք նաև, որ ԱԶ նախագահն իր ուղերձում հայտարարելու է նախագահին կից խորհրդատվական մարմին ստեղծելու մասին, որը, ամենայն հավանականությամբ, ղեկավարելու է Արցախում ընդդիմադիր քաղաքական գործիչներ կայացող Տիգրան Պետրոսյանը:


Արցախում վստահ են, որ Արայիկ Յարուբյանյանը փորձելու է ամեն կերպ արդարացնել իր՝ Ռուբեն Վարդանյանին պաշտոնից հեռացնելու որոշումը, ներկայացնելու է, թե դա Արցախում ներքաղաքական կյանքը հանդարտեցնելու համար է անում, մինչդեռ Արցախում ընդդիմադիրները վստահ են, որ նա դա անում է հենց Փաշինյանի պահանջը բավարարելու համար: Արցախի մեր աղբյուրները հայտնեցին, որ Ռուբեն Վարդանյանը պետնախարարի պաշտոնից հետո որեւէ նոր պաշտոնի մտադիր չէ անցնել, բայց շարունակելու է մնալ Արցախում:

Արցախի խորհրդարանական ընդդիմությունն էլ իր հերթին սպասում է Արայիկ Յարուբյանյանի այսօրվա ուղերձին, որպեսզի, դրանից ելնելով, քայլեր ձեռնարկի:

Կ առավարությունը երեկ «Լիդիան» ընկերության հետ 250 միլիոն դոլար արժեքով փաթեթ է ստորագրել: Երեկ խորհրդարանում լրագրողների հետ զրույցում ՀՀ էկոնոմիկայի նախարար Վահան Զեյնոյանը հայտարարեց, թե Ամուլսարի հանքը շուտով կշահագործվի: Նկատենք, որ «Լիդիան Արմենիա» ընկերությունը, կարելի է ասել, այս ժամանակահատվածում ոչինչ չի արել, որպեսզի հանքը շահագործվի, այլ իշխանություններն են ամեն քայլի դիմել, որպեսզի փաստաթղթեր ստորագրեն՝ հանքը շահագործելու համար: Բանն այն է, որ իշխանությունը փորձում է գումար հավաքել՝ ցույց տալու համար, որ այսպես բյուջե են լցնում եւ եկամուտներ ապահովում: Գաղտնիք չէ՝ Ամուլսարի հանքի շահագործման հարցը նախկինում դժգոհություններ էր առաջացրել նաև Զեյնոյանի բնակիչների շրջանում: Հիմա, Ամուլսարի հանքը շահագործելով, նաև ցանկանում են ակտիվացնել Զեյնոյանը կյանքը, ցույց տալ, թե այստեղ ամեն ինչ լավ է, բայց իրականում այստեղ մարդիկ քիչ են, գրեթե դատարկ է քաղաքը: Այսպես փորձելու են ցույց տալ, թե Զեյնոյանը կյանքն են ակտիվացնում եւ հետն էլ 250 մլն բյուջե են լցնում:



Հ Հ էկոնոմիկայի նախարարությունը կրկին մնացել է առանց փոխնախարարի: «Ժողովուրդ» օրաթերթը տեղեկացավ, որ դեռ փետրվարի 6-ին Արմեն Արզումանյանը, ՀՀ վարչապետ Նիկոլ Փաշինյանի հրամանով, ազատվել էր էկոնոմիկայի նախարարի տեղակալի պաշտոնից: Այս մասով «Ժողովուրդ» օրաթերթին մանրամասներ են հայտնի դարձել: Մասնավորապես, տեղեկացանք, որ ոչ թե Արմեն Արզումանյանն է ցանկություն հայտնել հեռանալ, այլ նրան ազատել են պաշտոնից: Մեր աղբյուրները հայտնում են, որ իրականում նախարարությունում դժգոհ են եղել Արմեն Արզումանյանի աշխատանքից, որն այդ պաշտոնում նշանակվել էր 2022 թվականի ապրիլին, այսինքն՝ անգամ մեկ տարի չաշխատեց այդ պաշտոնում: Գալով պաշտոնի եւ խոստումներ տալով՝ նա, փաստորեն, չի կարողացել իրականացնել դրանք, ինչն էլ այդպիսի դժգոհության պատճառ է հանդիսացել: Տեղեկացանք նաև, որ մինչ այս պահը նրան դեռ փոխարինող չի նշանակվել, եւ նախարարությունում այնպիսի տրամադրություններ են, որ առաջիկայում այդ հաստիքը չի էլ համարվի, եւ նրա գործառույթները կկատարեն նախարարի մյուս տեղակալները: Նկատենք՝ «Ժողովուրդ» օրաթերթն այդպիսի վիճակագրություն էր ներկայացրել եւ գրել, որ նախարարություններում կադրային ճգնաժամ է, մի քանի գերատեսչություններում նախարարի տեղակալներ չկան: Փաստորեն, նրանց ավելացավ եւս մեկը: «Ժողովուրդ» օրաթերթը դիմեց նաև Արմեն Արզումանյանին՝ հասկանալու համար, թե ինչու է նման որոշում կայացվել, սակայն մեր հարցերը մնացին անպատասխան:



Երեկ «Ժողովուրդ» օրաթերթը գրել էր, որ Ազգային ժողովի «Քաղաքացիական պայմանագիր» խմբակցության պատգամավորների օգնականները կարողացել են հասնել իրենց երկրորդ նպատակին: Մանրամասնել էինք, որ ԱԺ աշխատակազմի ղեկավար-քարտուղար Դավիթ Առաքելյանը որոշում է կայացրել պատգամավորների օգնականներին պարգևատրել աշխատավարձի 15 տոկոսի չափով: Եվ, ահա, մեր այս հրապարակումից հետո Ազգային ժողովի լրատվության վարչությունը պաշտոնական հաղորդագրությամբ եւ սոցիալական ցանցի իրենց էջում շտապեց հայտարարություն տարածել՝ փորձելով հերքել անհերքելին: Սկզբում դրեցին տեքստ, ինչից պարզ չէր ինչ են ուզում. «Ժողովուրդ» օրաթերթի հրապարակումն իրականությանը չի համապատասխանում»: Ու պարզ չէր՝ ըստ ԱԺ-ի՞ վերջո, հրապարակումն իրականությանը համապատասխանում է, թե չի համապատասխանում: Իսկ ի՞նչն են հերքում. եթե կարճ, ապա՝ անհերքելին: Գրել են, թե պատգամավորների օգնականները պարգևավճար չեն ստացել, եւ մեր լուրը չի համապատասխանում իրականությանը, ապա երկու նախադասություն անց արդարացել, թե ԱԺ աշխատակազմը, այդ թվում՝ բոլոր պատգամավորների օգնականները, յուրաքանչյուր ամիս, աշխատավարձից բացի, ստանում են նաև պարգևավճար՝ աշխատավարձի 15 տոկոսի չափով: Այսինքն՝ հերքման տեքստում ԱԺ-ն հաստատել է այն, ինչ հրապարակել էր «Ժողովուրդ» օրաթերթը. օգնականները 15% պարգևավճար են ստացել: Թե ինչ էր շտապում վաղ առավոտյան այդպես փութաշատրեն հերքել Ազգային ժողովը, մնաց անհասկանալի:



ԴԱՏԵԼ

ԱՐՑԱԽԻ ՀԱՐՅԸ ԼՊՈԶՎԵԼՈՒ Է

Արցախում ստեղծված անվտանգային իրավիճակի և ներհաղադակա՝ լարված իրավիճակի վերաբերյալ «Ժողովուրդ» օրաթերթը գրուցել է ՊՆ նախկին փոխնախարար Արսակ Զաքարյանի հետ:

-Պարոն Զաքարյան, երեկ Ադրբեջանը խախտել է հրադադարն Արցախում: Ստացվում է՝ թշնամին ոչ միայն 2 ամսից ավելի է՝ շրջափակման մեջ է պահում Արցախի մեր հայրենակիցներին, ահաբեկում է նրանց, այլ նաեւ կրակում է սահմանների ուղղությամբ: Ինչպե՞ս կգնահատեք այս իրավիճակը, ի՞նչ հանգուցալուծում եք տեսնում այս ճգնաժամի:

-Ինչդրի հանգուցալուծումը մեկն է՝ այս իշխանություններին հեռացնել եւ պատասխանատվության ենթարկել գործած բազմաթիվ մեղքերի համար, իսկ գնահատականը հետեւյալն է. Ադրբեջանը չի պատրաստվում գնալ խաղաղության, նրա ցանկացած խաղաղասիրական կոչ զուտ միջազգային հանրության աչքերին թող փչելու համար է: Եվ Արցախի շրջափակումը, եւ սահմանին հրադադարի խախտումը եւ Յայաստանի տարածքների օկուպացումը խոսում է այն մասին, որ պատերազմից դեպի խաղաղություն կամ խաղաղությունից դեպի պատերազմ մեկ քայլ է: Պատերազմի բոլոր հնարավոր վտանգները չէզոքացնելու համար Յայաստանին անհրաժեշտ է արտաքին քաղաքական ճիշտ դիրքավորումը, ինչը պետք է բխի Յայաստանի շահերից, բայց Յայաստանի ասօրվա իշխանությունները դիրքավորվում են այնպես, ինչպես ձեռնտու է մեր թշնամիներին կամ էլ արեւմտյան մի քանի գործընկերներին, որպեսզի տարածաշրջանում լուծեն ոչ թե Յայաստանին, այլ բոլորովին ուրիշ երկրների շահերից բխող հարցեր: Այդ ընթացքում Յայաստանը մի հատ էլ պատերազմի մեջ կընկնի, մի հատ էլ կտոտրած կապրի, բայց դա ոչ մեկին չի հետաքրքրում, չի հետաքրքրում նաեւ Փաշինյանին: Լու-



ծումը մեկն է՝ այս իշխանություններին հեռացնել եւ դատել, իրենք պետք է գործած բազմաթիվ հանցանքների համար պատասխանատվության ենթարկվեն:

-Պարոն Զաքարյան, անվտանգային այս լարված իրավիճակում Արցախում քաղաքական լուրջ գործընթացներ են տեղի ունենում: Նախագահ Արայիկ Զարուբյանն է սահմանադրական փոփոխությունների գործընթաց սկսել. ինչպես մասնավոր է գրել, նա պատրաստվում է նաեւ աշխատանքից ազատել Արցախի պետնախարար Ռուբեն Վարդանյանին: Ներքաղաքական այս զարգացումներն ինչի՞ կարող են հանգեցնել:

-Նիկոլ Փաշինյանը վտանգ է տեսնում Ռուբեն Վարդանյանից, հիմա էլ Ալիեւի ձեռքով ուզում է հեռացնել նրան: Մենք որ ասում ենք՝ Նիկոլն ու Ալիեւը նույն դրամի երեսներն են, նույն խաղն են խաղում ի վնաս հայ ժողովրդի, ակնհայտ է:

Արցախի իշխանություններն էլ վաղուց հատել են բոլոր կարմիր գծերը, կորցրել են իրենց ինքնությունը, սեփական դիմագիծը, բայց Արցախի ժողովուրդը պայքարում է: Եթե Արցախում չկարողանան ճիշտ կողմնորոշվել ու ներքին խնդիրները լուծել՝ բացառապես Արցախի շահերից ելնելով, ոչ թե լսելով կապիտուլացված Երեւանին կամ տրվելով Ալիեւի շանտաժներին, դա կնշանակի, որ Արցախի հարցը լրդավելու է աշխարհաքաղաքական այս զարգացումների մեջ, եւ Արցախը չի ունենալու հստակ ձեւակերպված շահ: Ինչ է նշանակում Ալիեւն ասել է՝ Ռուբեն Վարդանյանին հեռացրեք, որ ճանապարհը բացեմ. վաղն էլ կասեն՝ Ալիեւն ասում է՝ Արայիկ Զարուբյանյանի «ակնջները կտրեք», որ ճանապարհը բացեմ. անելու՞ ենք այսպես, չի կարելի, չէ՛, այսպես:

Ջրուցեց ՔՐԻՍՏԻՆԵ ՍՈՒՇԵՂՅԱՆ

ԱՆՈՒՄԱՆԵԼԻ

ԱՄՈՒԼՍԱՐԻ ՇԱՀԱԳՈՐԾՄԱՆ ՄԱՍԻՆ

Ամուլսարի ոսկու հանքավայրը կվերսկսի օգտագործումը:

Ազգային ժողովում 33 էկոնոմիկայի նախարար Վահան Զեքրոբյանը հայտարարեց, որ Յայաստանն այսօր 250 միլիոն դոլարանոց փաթեթ է ստորագրելու «Լիդիան Արմենիա» ընկերության հետ, որին պատկանում է Ամուլսարի ոսկու հանքավայրի շահագործման լիցենզիան:

33 կառավարության, Եվրասիական զարգացման բանկի եւ «Լիդիան Արմենիա» ՓԲ ընկերության միջեւ կստորագրվի Եռակողմ փոխըմբռնման հուշագիր: 33 կառավարության կողմից փաստաթուղթը կստորագրի 33 էկոնոմիկայի նախարար Վահան Զեքրոբյանը:

ArmLur.am-ը այս առիթով գրուցել է Աժ նախկին պատգամավոր Գայանե Աբրահամյանի հետ, որը պարբերաբար դեմ է արտահայտվել հանքի շահագործմանը:

-Տիկին Աբրահամյան, այսօր հայտնի դարձավ, որ, չնայած շատ դժգոհություններին, Ամուլսարի հանքը կրկին կշահագործվի. ի՞նչ կասեք այս մասին:

-Որեւէ կերպ չեմ պատկերացնում, թե ինչն է փոխվել, որ հիմա վտանգները կարող են չէզոքացված համարվել, եւ թույլատրվի այս հանքի շահագործումը:

Շատ լավ ծանոթ լինելով էլարդի գեկույցին, որտեղ մանրամասն ներկայաց-



ված էին այս հանքի շահագործման հետեւանքով առաջացած բոլոր հիմնական վտանգները, բացարձակ անընդունելի է այս որոշումը, բացարձակ արդարացված չէ, եւ սա միայն այսօրվա խնդիր չի լինելու, սա տասնամյակներով կարող է վնասել ողջ պետությանը, հատկապես՝ երկրաշարժերի այսպիսի ակտիվ գոտում եւ ակտիվ շրջանում գտնվելով:

Պետությունը դեռեւս չունի եղած հանքերի ու պոչաքարների վնասներն ու հնարավոր աղետները կանխելու ծրագրեր, իսկ այս նոր հանքի դեպքում, որը կարող է սպառնալ միակ, ամենամեծ ջրային ռեսուրսի՝ Սեւանի աղտոտմանը, հնարավոր հետեւանքները կառավարելու նվազագույն կարողությունն անգամ չկա:

Ք. ՍՈՒՇԵՂՅԱՆ



ՉԻ ԸՆԴՈՒՆՈՒՄ

«Ժողովուրդ» օրաթերթի տեղեկությունների համաձայն՝ արտաքին գործերի նախարար Արարատ Միրզոյանի ծեծի գործով երեկ կալանավորված անձը չի ընդունում մեղադրանքը: Մեզ հասած տեղեկությունների համաձայն՝ նա ԱՄՇ-ում ցուցմունք է տվել եւ հայտնել, որ ինքը եղել է այնտեղ, բայց Արարատ Միրզոյանին չի հարվածել: Ստացվում է, որ աղմկահարույց միջադեպից երեք տարի անց երկու անձ է կալանավորվել, եւ երկուսն էլ չեն ընդունում մեղադրանքը, որ ծեծել են Արարատ Միրզոյանին: Ավելին՝ չկա նաեւ ծեծի ապացույց տեսանյութ: Հիշեցնենք, որ երեկ ԱՄՇ-ն հայտնեց, որ Թ. Ա.-ն, 2020 թվականի սեպտեմբերի 27-ին Ադրբեջանի Յանրապետության կողմից Արցախի Յանրապետության դեմ սանձազերծված պատերազմի եւ, դրանով պայմանավորված, նույն օրը՝ Յայաստանի Յանրապետությունում եւ Արցախի Յանրապետությունում հայտարարված ռազմական դրության պայմաններում 2020 թվականի նոյեմբերի 10-ին պատերազմը դադարեցնելու եւ Արցախի Յանրապետության վերահսկողության ներքո գտնվող մի շարք տարածքներ Ադրբեջանի Յանրապետության վերահսկողությանը հանձնելու մասին Յայաստանի Յանրապետության, Ռուսաստանի Դաշնության եւ Ադրբեջանի Յանրապետության միջեւ ձեռք բերված համաձայնության վերաբերյալ հայտարարությունը զանգվածային լրատվության միջոցներում հրատարակելուց հետո, տեղեկանալով, որ մայրաքաղաք Երեւանում գտնվող ՀՀ կառավարության, Ազգային ժողովի վարչական շենքերի եւ ՀՀ վարչապետին հատկացված կցեպվայրի մոտ, դրանց ներսում զանգվածային անկարգություններ են կատարվում, դրանց մասնակցելու նպատակով գնացել է Երեւան քաղաքի Դեմիրճյան եւ Պռոշյան փողոցների խաչմերուկ, որտեղ էլ, տեսնելով, որ ավտոմեքենայում խցանման մեջ է գտնվում Աժ նախագահ Արարատ Միրզոյանը, տեղում միացել ՀՀ Աժ նախագահ Արարատ Միրզոյանի նկատմամբ բռնություն գործադրող զանգվածային անկարգությունների մասնակիցներին, ճեղքելով վերջիններիս շարքերը՝ մոտեցել է արդեն իսկ գետնին ընկած Արարատ Միրզոյանին եւ վերջինիս պետական գործունեությունը դադարեցնելու նպատակով, նրան սպանելու դիտավորյալով այրող հետ միասին ոտքերով հարվածներ է հասցրել Արարատ Միրզոյանի գլխին եւ մարմնի տարբեր մասերին, ինչի հետեւանքով վերջինիս պատճառով է դիմային զանգի ոսկրերի բազմակի կտրվածքներ եւ այլ մարմնական վնասվածքներ, եւ Արարատ Միրզոյանը կորցրել է գիտակցությունը:

Մյուս կալանավորվածը Արա Բ.-ն է:

ՈՐՈՇՈՒՄԸ ՊԱՏՐԱՍ Է

Կոռուպցիայի կանխարգելման հանձնաժողովը որոշումներ է կայացրել Աժ պատգամավորներից մի քանիսի նկատմամբ հարուցված վարույթներով: Մասնավորապես, մեզ հասած բացառիկ տեղեկությունների համաձայն՝ խախտում չի հայտնաբերվել «Յայաստան» խմբակցության պատգամավոր Գեղամ Նազարյանի եւ ՔՊ-ական պատգամավոր Խաչատուր Սուքիասյանի դեմ հարուցված վարույթներով: Հիշեցնենք, որ «Ժողովուրդ» օրաթերթը գրել էր, որ վարույթներ էին հարուցվել Ազգային ժողովի ՔՊ-ական, ինչպես նաեւ «Յայաստան» խմբակցության մի քանի պատգամավորների նկատմամբ՝ «անհամատեղելիության պահանջի առեւտույթ խախտման» հիմքով: Գրել էինք, որ պատգամավորները ստացել էին հանձնաժողովի ծանուցումները, որ իրենց դեմ վարույթ կա:

ՍՊԱՆՈՒԹՅԱՆ ՓՈՐՁ

ԿԱԼԱՆԱՎՈՐՎԵԼ Է ՄԵՂԱԳՐՅԱԼՆԵՐԻՑ ՄԵԿԸ

ՀՀ ազգային անվտանգության ծառայության ֆինչական դեպարտամենտում ԵՊՊԿ-ի 2020 թվականի նոյեմբերի 10-ին ՀՀ կառավարության, Ազգային ժողովի ԵՊՊԿ-ի և դեպարտամենտում ու հասարակական վարչերում բռնություն գործադրելով, ջարդ իրականացնելով, գույք ոչնչացնելով, վնասելով կամ իշխանության ներկայացուցչին զինված դիմադրելով արտահայտված զանգվածային անկարգություններ կազմակերպելու, դրանց մասնակցելու, դեպարտամենտում, ֆաղափական կամ հասարակական գործչի սպանության փորձի եւ այլ դեպքերի առթիվ նախաձեռնված քննարկական վարույթի նախաճանաչումը:



ԱՄԾ-ից հայտնում են, որ քրեական վարույթի շրջանակներում կատարված լայնածավալ քննչական եւ վարույթային այլ գործողությունների, ինչպես նաեւ ՀՀ ԱՄԾ օպերատիվ ստորաբաժանումների կողմից իրականացված օպերատիվ-հետախուզական միջոցառումների արդյունքում պարզվել է զանգվածային անկարգությունների ընթացքում ՀՀ Ազգային ժողովի նախագահ Արարատ Միրզոյանին սպանելու փորձ կատարած անձանցից մեկի ինքնությունը, որը ձերբակալվել է:

Մասնավորապես, Թ. Ա.-ն, 2020 թվականի սեպտեմբերի 27-ին Ադրբեջանի Հանրապետության կողմից Արցախի Հանրապետության դեմ սանձազերծված պատերազմի եւ, դրանով պայմանավորված, նույն օրը՝ Հայաստանի Հանրապետությունում եւ Արցախի Հանրապետությունում հայտարարված ռազմական դրության պայմաններում 2020 թվականի նոյեմբերի 10-ին պատերազմը դադարեցնելու եւ Արցախի Հանրապետության վերահսկողության ներքո գտնվող մի շարք տարածքներ Ադրբեջանի Հանրապետության վերահսկողությանը հանձնելու մասին Հայաստանի Հանրապետության, Ռուսաստանի Ռազմության եւ Ադրբեջանի Հանրապետության միջեւ ձեռք բերված համաձայնության վերաբերյալ հայտարարությունը զանգվածային լրատվության միջոցներում հրապարակվելուց հետո, տեղեկանալով, որ մայրաքաղաք Երեւանում գտնվող ՀՀ կառավարության, Ազգային ժողովի վարչական շենքերի եւ ՀՀ վարչապետին հատկացված կենցաղային մոտ, դրանց ներսում զանգվածային անկարգություններ են կատարվում, դրանց մասնակցելու նպատակով գնացել է Երեւան քաղաքի Դեմիրճյան եւ Պռոշյան փողոցների խաչմերուկ, որտեղ էլ, տեսնելով, որ ավտոմեքենայում խցանման մեջ է գտնվում ԱՄ Նախագահ Արարատ Միրզոյանը, տեղում միացել ՀՀ ԱՄ Նախագահ Արարատ Միրզոյանի նկատմամբ բռնություն գործադրող զանգվածային անկարգությունների մասնակիցներին, ճեղքելով վերջիններիս շարքերը՝ մոտեցել է արդեն իսկ գետնին ընկած Արարատ Միրզոյանին եւ վերջինիս պետական գործունեությունը դադարեցնելու նպատակով, նրան սպանելու դիտավորությամբ այլոց հետ միասին ոտքերով հարվածներ է հասցրել Արարատ Միրզոյանի գլխին եւ մարմնի տարբեր մասերին, ինչի հետեւանքով վերջինիս պատճառով են դիմային գանգի ոսկրերի բազմակի կոտրվածքներ եւ այլ վնասվածքների ձեռք մարմնական վնասվածքներ, եւ Արարատ Միրզոյանը կորցրել է գիտակցությունը:

Թ. Ա.-ի դիտավորության մեջ ընդգրկված հանցագործությունը նրա կամքից անկախ հանգամանքներով չի իրագործվել, քանի որ Արարատ Միրզոյանի անվտանգությունն ապահովող ՀՀ ԱՄԾ ՊՊԾ աշխատակիցների միջամտության արդյունքում վերջինս տեղափոխվել է «Էրեբունի» բժշկական կենտրոն եւ ստացել համապատասխան բուժօգնություն:

Թ. Ա.-ի նկատմամբ ՀՀ քրեական օրենսգրքի համապատասխան հոդվածով հարուցվել է հանրային քրեական հետապնդում, եւ միջնորդություն է ներկայացվել դատարան վերջինիս նկատմամբ երկու ամիս ժամկետով կալանքը որպես խափանման միջոց կիրառելու համար, որը բավարարվել է:

Քրեական վարույթով շարունակվում են ձեռնարկվել ծավալուն եւ տարաբնույթ օպերատիվ-հետախուզական եւ քննչական ու վարույթային այլ գործողություններ՝ կատարված հանցագործությունների ամբողջական պատկերի բացահայտման, դեպքերի հետ առնչություն ունեցած այլ անձանց ինքնությունները պարզելու, նրանց նկատմամբ հանրային քրեական հետապնդումներ հարուցելու եւ արդյունքում քրեական պատասխանատվության անխուսափելիության սկզբունքներն արդյունավետ կենսագործելու ուղղությամբ:

ԼՈՒՐԵՐ

ՏՆՕՐԵՆԸ ՁԵՐԲԱԿԱԿԵԼ Է

«Սուրմալու» առևտրի կենտրոնում տեղի ունեցած ողբերգական պայթյունից մոտ 7 ամիս անց ձերբակալվել է առևտրի կենտրոնի տնօրեն Իրինա Մադաթովան: ArmLur.am-ի տեղեկությունը հաստատել են Գլխավոր դատախազությունից, թե ինչի համար է մեղադրվում տնօրենը, դեռ չեն մասնամասնում:

Հիշեցնենք՝ «Սուրմալու» առևտրի կենտրոնում 2022թ.-ի օգոստոսի 14-ին տեղի ունեցած պայթյունը 16 մարդու կյանք է խլել:

Պայթյունի հետեւանքով 60-ից ավելի քաղաքացիներ մարմնական տարբեր աստիճանի վնասվածքներ էին ստացել: Քրեական վարույթի շրջանակում մեղադրյալի կարգավիճակ ունի 4 անձ՝ առևտրի կենտրոնի վարձակալներն ու փոխտնօրենը: Փոխտնօրենն ու պահեստի վարձակալը մեղադրվում են Հրդեհային անվտանգության կանոնները կամ պահանջները խախտելու համար, ինչն անզուգույթյամբ առաջացրել է մարդու մահ կամ այլ ծանր հետեւանք (ՀՀ քրեական օրենսգրքի 357-րդ հոդվածի 2-րդ մաս): Պահեստը շահագործողները մեղադրվում են անզուգույթյամբ երկու կամ ավելի անձի կյանքից զրկելու համար (ՀՀ ՀՀ քրեական օրենսգրքի 165-րդ հոդվածի 2-րդ մաս):

ԻՐԱՎԱՊԱՀՆԵՐԻ ՏԵՍԱԳԱՇՏՈՒՄ

Հակակոռուպցիոն դատարանը վարույթ է ընդունել ապօրինի ծագում ունեցող գույքի բռնագանձման վերաբերյալ 29-րդ հայցադիմումը:

Գլխավոր դատախազության՝ ապօրինի ծագում ունեցող գույքի բռնագանձման գործերով վարչությունը պահանջ է ներկայացրել դատարանին՝ «Փարկինգ սիթի սերվիս» ՓԲ ընկերության տնօրեն Վ.Բ.-ից եւ վերջինիս փոխկապակցված անձանցից հօգուտ Հայաստանի Հանրապետության բռնագանձել՝

➤ չորս անշարժ գույք, որոնցից երեքը՝ Երեւան քաղաքում, մեկը՝ Կոտայքի մարզում, իսկ անհնարինության դեպքում՝ դրանց միջին շուկայական արժեքները՝ 324 միլիոն 452 հազար 500 դրամ, մեկ շարժական գույք, իսկ անհնարինության դեպքում՝ դրա միջին շուկայական արժեքը, մեկ իրավաբանական անձում մասնակցության իրավունք,

➤ 17 մլն 771 հազար 372 դրամ, որը չի հիմնավորվում անձի օրինական եկամուտներով, փոխանցվել է բարեխիղճ ձեռքբերողի, կամ անհնար է նույնականացնել եւ բռնագանձել,

➤ 107 մլն դրամ եւ 140 հազար ԱՄՆ դոլար ներդրված ավանդ,

➤ 27 մլն 435 հազար 443 դրամ որպես ստացված ապօրինի եկամուտների եւ միջոցների մնացորդ:

ԼՈՒՐԵՐ

ԳՈՐԾԱՐՔ՝ ԿԵՂԾ ԹՂԹԱԳՐԱՄՈՎ

Փետրվարի 21-ին՝ ժամը 04:15-ին, Գյումրու Երեւանյան խնուրու բենգալ-ցակայանի լիցքավորողը հաղորդում էր տվել, որ ժամը 03:25-ի սահմաններում անձանք տղամարդը «Մերսեդես» մակնիշի իր մեքենան 5000 դրամի բեռով էր լիցքավորել, ապա ստանալով 20.000 դրամի մանրը՝ հեռացել էր: Ինքը հետո նկատել էր, որ 20.000 դրամը կեղծ է:

Ոստիկանության Կոմայրիի բաժնի քրեական հետախույզները ձեռնարկած օպերատիվ-հետախուզական միջոցառումների արդյունքում ժամը 19:10-ին Արթիկ քաղաքի Գորկու փողոցում հայտնաբերել, ձերբակալել եւ ոստիկանության Կոմայրիի բաժնի են տեղափո-

խել Անուշավան գյուղի 29-ամյա բնակչին, նաեւ բաժին են հրավիրել Հոռոմ գյուղի 17-ամյա մի բնակչի: Բաժնում 29-ամյա երիտասարդը խոստովանել է, որ 20.000 կեղծ թղթադրամը բենգալցակայանում ինքն է իրացրել:

Կազմված փաստաթղթերը եւ երիտասարդները ներկայացվել են Շիրակի մարզային քննչական վարչություն: Կատարվում է նախաքննություն:

ԳՈՂՈՒԹՅԱՆ ԳԵՊԸ

Ոստիկանության Սիսիանի բաժնում հաղորդում տված կինը հայտնել էր, որ փետրվարի 19-ին Տոլորս գյուղի իր տան դռան կողմից օղակը հանել, մտել էին

ներս եւ գողացել գազի բալոն ու պայուսակ, որի մեջ կային փաստաթղթեր ու փող:

Ոստիկանությունից հայտնում են, որ մեկնել էր բաժնի օպերատիվ խումբը, կատարել անհրաժեշտ գործողություններ:

Սիսիանի քրեական հետախույզների իրականացրած օպերատիվ-հետախուզական միջոցառումների արդյունքում ստացվեց հավաստի տեղեկություն, որ գողությունն արել էր Սիսիան քաղաքի 41-ամյա բնակիչը:

Նա փետրվարի 20-ին հայտնաբերվեց եւ ներկայացվեց դեպքի նախաքննությունը վարող մարմին, որտեղ խոստովանեց արարքը:

Հանգամանքները նախաքննությամբ պարզվում են:

● Ըստ ոստիկանության տվյալների՝ փետրվարի 21-ից 22-ը Հայաստանի Հանրապետությունում բացահայտվել է հանցագործության 57 դեպք:

ՍՈՑԻԱԼԱԿԱՆ

ԼՈՒՐԵՐ

ՀՐԱՊԱՐԱԿԱՅԻՆ ԾԱՆՈՒՑՄԱՆ ՓՈՓՈԽՈՒԹՅՈՒՆ

Ի փոփոխություն «Ժողովուրդ» օրաթերթի 23.12.2022թ. թիվ 186 (2666) համարի 7-րդ էջում տպագրված «Հրապարակային ծանուցման»...

ՀԱՐԿԱՅԻՆ

ԻՐԱՎԱԽԱՆՏՈՒՄՆԵՐ

ՀՀ պետական եկամուտների կոմիտեն ներկայացնում է 2023 թվականի փետրվարի 1-ից 15-ն ընկած ժամանակահատվածում ՊԵԿ հետաքննության...

ՀԱՅՏԱՐԱՐՈՒԹՅՈՒՆ

Հրապարակային սակարկություններով վճարող «Ատատ Ֆոդ» ՍՊԸ-ին պատկանող ստորել նշված շարժական ել անշարժ գույքերը...

ՏԵՂԵԿԱՑՆՈՒՄ ԵՆ

ՕՐԵՆՍԳԻՐԱԿԱՆ ՆՈՐ ԿԱՐԳԱՎՈՐՈՒՄՆԵՐ

ՀՀ շրջակա միջավայրի նախարարությունը հեղեկացնում է օրենսդրական նոր կարգավորումների մասին:

Շատ այդ՝ անազատ կամ կիսազատ պայմաններում վայրի կենդանիներ պահող իրավաբանական կամ ֆիզիկական անձինք (անկախ տվյալ վայրի կենդանու ձեռքբերումը...



մասնագիտական հանձնաժողովի կողմից տրամադրված դրական եզրակացությունը:

Թույլտվության տրամադրման գործընթացն ապահովելու նպատակով ստեղծվում է անազատ ել կիսազատ պայմաններում պահվող վայրի կենդանիներ, այդ թվում՝ Հայաստանի Հանրապետության կենդանիների Կարմիր գրքում գրանցված կենդանիներ պահելու թույլտվության համար մասնագիտական եզրակացությունը:

ՀԱՅՏԱՐԱՐՈՒԹՅՈՒՆ

Պարտապահ «ԱՍՍՍ ՖՈՒՐ» ՍՊԸ պատկանող և վերջինիս պարտավորությունների կատարման ապահովման նպատակով...

Հրապարակային սակարկություններով վճարող «Ատատ Ֆոդ» ՍՊԸ-ին պատկանող ստորել նշված շարժական ել անշարժ գույքերը...

«Ժողովուրդ» օրաթերթում էլ ArmLur.am կայքում գտնվող, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ԿԱՐԾԻՔ

ՍԿԱՆՈՎԸ

Ս. ԱՐԱՆՄԱՆԸ՝ ԱՐԲԵՋԱՆԱԿԱՆ ԵՐԳԸ ԳՈՂԱՆԱԼՈՒ ՄԱՍԻՆ

Ամերիկաբնակ հաղորդավարներ Միեր Բադրասարյանը եւ Մրա Ղազարյանը «Օձի լեզու» հաղորդաւարի ընթացում անդադարձել են երգիչ, դերասան Սարգիս Աբրահամյանին: Ըստ նրանց՝ Սարգիս Աբրահամյանի «Հեշել-հեշել» երգը գողացված է ադրբեջանցի երգչուհի Ռոյայի «Բելկեդե» երգից, որը հրադարակվել է յուրովում 7 տարի առաջ, իսկ Սարգիս Աբրահամյանի գործը հրադարակվել է 2 տարի առաջ: «Ես չունեմ երաժշտական կրթություն, բայց ղյազիասն ակնհայտ է: Մենք երաժիշտներ չենք, բայց մասնագետներին ներկայացրել ենք սարբերակները, եւ նրանք եւս հակված է վարկածի, որ աշխատանքը կրկնօրինակված է»,- ասաց Մրա Ղազարյանը:



ազգի երգերի, մեկը՝ շատ, մեկը՝ քիչ: Իմ նախաձեռնությամբ ես շատ ջերմ եւ դրական հեռախոսազրույց եմ ունեցել Արայի հետ, պատմել երգի ստեղծման պատմությունը, ապա հեռացրել ենք երգը youtube-ից, որն ուներ 2 միլիոն դիտում»: Մեր զրուցակցի խոսքով՝ շուտով Սարգիս Աբրահամյանը պատրաստվում է թողարկել սուր երգ՝ ռոմանս ոճում: **ԼԻՂԱ ԵՐԻԱԶՈՐՅԱՆ**

ArmLur.am-ը թեմայի շուրջ զրուցել է Սարգիս Աբրահամյանի պրոդյուսեր Յարոնյանի հետ. «Աղմուկ բարձրացրած երգի երաժշտության հեղինակը մի մարդ է եղել, իսկ խոսքերի հեղինակը՝ այլ. Սարգիսը ընդհանրապես այս երգի խոսքերի վրա չի աշխատել, ինքը չի գրել, մենք երկուսն էլ գնել ենք, ու իրականում էդ ժամանակ ուղղակի չէինք կարող կռահել, որ երաժշտությունը նման է ադրբեջանական ինչ-որ երգի. Մենք արդեն խոսել ենք երաժշտության հեղինակի հետ, հիմա ճիշտ չեմ համարում ո՛չ այդ անձի անունը տալ, ո՛չ էլ ասել, թե ինչ խոսակցություն է եղել, բայց, ամեն դեպքում, ունենք այն, ինչ ունենք: Ուզում եմ ասել, որ մեր իրականության մեջ, ցավոք սրտի, շատ-շատ են նման դեպքերը, երբ մեր հայ show business-ի ներկայացուցիչները երգում են թուրքական, ադրբեջանական, արաբական մոտիվներով երգեր, կամ շատ դեպքերում լինում է երաժշտության գողություն. մենք դա ճիշտ չենք համարում, բայց ոչ մեկ ապահովագրված չէ նման դեպքերից, որովհետեւ մեծ մասամբ բոլոր երգերը արդեն կարող են նման լինել ինչ-որ մի ուրիշ

ԽՈՇՈՐ

ԻՆՉ Է ՄԱՆՐԱՄԱՄՆՈՒՄ ՌԱՖԱՅԵԼ ԵՐԱՆՈՍՅԱՆԸ

Ինչպես երեկ հայտնել էինք, դերասան Ռաֆայել Երանոսյանը Արմավիրի ճանապարհին վթարի է ենթարկվել:



Ըստ նախնական տեղեկությունների՝ վթարի մեղավորը եղել է «06»-ի վարորդը, որը դեպի Արմավիր ընթանալիս Toyota-ի վարորդի համար ստեղծել է վթարային իրավիճակ: **Լ. ԵՐԻԱԶՈՐՅԱՆ**

«Փառք Աստծո, ինձ հետ ամեն ինչ կորցավ է, ինչպես ասում են, ինչ եղել է, ժեշտին է եղել: Կաշխատենք, էլի կգնենք, արդեն պատրաստվում ենք վաղվա ներկայացմանը: Պարզապես եթե նման բաներ չլինեն, ավելի լավ կլինի: Անկեղծ կլինեմ, երեկ մի փոքր վախի զգացողություն կար, ինչը կորցրեցի, բայց արդեն լավ եմ, ոչ մի քերծվածք, ոչ մի վնասվածք չեմ ստացել, ամեն ինչ հրաշալի է»,-նշեց դերասանը:

Հիշեցնենք, որ ավելի վաղ գրել էինք, որ վթարի հետեւանքով «06»-ի վարորդին ու ուղեւորին առաջինն օգնության են հասել Toyota CRH-ի վարորդը եւ օպերատիվորեն ժամանած «Մեծամոր» բժշկական կենտրոնի շտաբօգնության բժիշկների հերթապահ խումբը, որոնք ստեղծում առաջին բուժօգնություն են ցուցաբերել, ապա՝ տեղափոխել «Արմավիր» բժշկական կենտրոն:

ԵՐԱԺՇՏՈՒԹՅՈՒՆ

ՄԵԾ ԸՆԳՈՒՆԵԼՈՒԹՅՈՒՆ

ՀՀ կրթության, գիտության, մշակույթի եւ սպորտի նախարարության աջակցությամբ՝ շարունակվում է Հայաստանի պետական սիմֆոնիկ նվագախմբի համերգային շրջագայությունը Միացյալ Թագավորությունում:

Արդեն իսկ կայացել է 7 համերգ. նվագախումբը կիրականացնի եւս 3 համերգ, որոնք կեզրափակվեն փետրվարի 24-ին Լոնդոնի հեղինակավոր «Քաղոզան» համերգասրահում: Նշենք, որ համերգի տոմսերը սպառվել են շաբաթներ առաջ, ինչը խոսում է հայկական մշակույթի եւ հայկատարողական արվեստի նկատմամբ մեծ հետաքրքրության մասին:

Հայաստանի պետական սիմֆոնիկ նվագախմբի ելույթներով տրվել է Արամ Խաչատրյանի 120-ամյակի հոբելյանական միջոցառումների մեկնարկը. Մեծ Բրիտանիայում ներկայացվող համերգային ծրագրերում առանցքային տեղ ունեն Խաչատրյանի ստեղծագործությունները, որոնք մեծ ընդունելության են արժանանում Միացյալ Թագավորության խստապահանջ ունկնդրի կողմից:

Ուշագրավ է, որ հայ մեծ կոմպոզիտորի Ջուրթակի կոնցերտը հնչում է բրիտանացի հայտնի ջութակահար Ջենիֆեր Փայքի կատարմամբ, որն այս կոնցերտը սովորել է հենց Միացյալ Թագավորությունում կայանալիք համերգային հյուրախաղերին ներկայացնելու նպատակով: Լեւի-Լեցուն դահլիճներում նվագախմբի կատարումներն ուղեկցվում են ծափողջույկներով, ինչը նվագախմբի կատարողական բարձր վարպետության վկայությունն է: Համերգներից առաջ իրականացվում են նաեւ քննարկումներ, որոնց ընթացքում Հայաստանի պետական սիմֆոնիկ նվագախմբի գեղարվեստական ղեկավար եւ գլխավոր դիրիժոր Սերգեյ Սմբատյանը ներկայացնում է Խաչատրյանի երաժշտական ժառանգությունը: Տպագրվել են նաեւ տեղեկատվական թերթիկներ՝ ներկայացվող ծրագրերի վերաբերյալ, որոնք համերգներից առաջ բաժանվում են ունկնդրին՝ այս ձեւաչափով եւս ներկայացնելով Արամ Խաչատրյանի կոմպոզիտորական ժառանգությունը:

Հայաստանի պետական սիմֆոնիկ նվագախումբն իր մյուս հյուրախաղերի ընթացքում նույնպես աշխարհի տարբեր ծայրերում կատարելու է Արամ Խաչատրյանի ստեղծագործությունները՝ այդպիսով նշանավորելով հայ մեծ երախտավորի 120-ամյա հոբելյանը եւ հանրահռչակելով նրա երաժշտական ժառանգությունը: Միացյալ Թագավորությունում Հայաստանի պետական սիմֆոնիկ նվագախմբի հյուրախաղերի իրականացմանն աջակցել են նաեւ անհատ հովանավորներ եւ բարեգործական կազմակերպություններ:

● Փետրվարի 24-ին Սոս Սարգսյանի անվան Համազգային թատրոնում տեղի կունենա «Փափիկը» ներկայացումը: Տոմսերի արժեքը՝ 1500-2500 դրամ: Սկիզբը՝ ժամը 19:00-ին:



Էջը՝ ՌՈՋԱ ՊՈՂՈՍՅԱՆԻ

ԻՐԱՎՈՒՆՔ

ՀԱՐՑ. Վթարից հետո մյուս վարորդն ընդունում է մեղքը, բայց հրաժարվում է դա անել ճՈՍ ՏԵՄԻՆՆԵՐԻ ներկայությամբ. ի՞նչ անել եւ ո՞ւմ դիմել:
Գեորգ Կիրակոսյան (64 տարեկան)



ՊԱՏԱՍԽԱՆ. Նման իրավիճակում անհրաժեշտ է զանգահարել այն ապահովագրական ընկերություն, որտեղ ապահովագրել էք Ձեր տրանսպորտային միջոցը, եւ մանրամասն նկարագրել, թե վթարը ինչպես է առաջացել, որից հետո լուսանկարեք եւ տեսանկարահանեք վթարված մեքենաները, նրանց դիրքերը վթարից հետո, վթարի վայրում առկա անիվների հետքերն ու թափված դետալները: Ձեր ահազանգի հիման վրա՝ դեպքի վայր կներկայանան ճանապարհային ոստիկանության աշխատակիցները եւ կկազմեն համապատասխան արձանագրություն, որի ժամանակ Դուք պետք է պահանջեք, որ ճանապարհային ոստիկանությունն իրականացնի վարչական վարույթ, բացահայտի կարգազանց վարորդին, որը լքել է դեպքի վայրը, եւ ենթարկի նրան վարչական պատասխանատվության: Միաժամանակ անհրաժեշտ է վթարի մասին իմանալուց հետո այդ մասին զանգով տեղեկացնել Ձեր ապահովագրական ընկերությանը:

ՀՀ Ճանապարհային ոստիկանություն

«ԺՈՂՈՎՈՒՐԳ». Եթե կրկնակի փորձաքննության եզրակացության արդյունքները եւս չգոհացնեն Ձեզ, ապա կարող եք այն վիճարկել դատական կարգով՝ ապացուցելով Ձեր անմեղությունը տեղի ունեցած վթարում: Դատարանում անհրաժեշտ է լինելու ներկայացնել ապացույցներ, որոնցով կհիմնավորվի մյուս վարորդի մեղավորությունը վթարում: Այդպիսի ապացույցներից են նաեւ վթարին ակնատես վկաների ցուցմունքները, վթարի վերաբերյալ տեսանյութը, վթարից հետո կատարված լուսանկարները, փորձագետի եզրակացությունները եւ այլն:

ՀԱՐԿԱՅԻՆ

ՀԱՐՑ. Հարկայինի աշխատակիցը ցանկանում է ինձ սուգանել ՀԳՄ անդորրագիր չստու համար, սակայն նա չի ներկայացրել սուգման հանձնարարական. ի՞նչ անել եւ ո՞ւմ դիմել:
Սերինե Հայրապետյան (35 տարեկան)



ՊԱՏԱՍԽԱՆ. Եթե հարկային մարմինը ցանկանում է վարչական պատասխանատվության ենթարկել Ձեզ՝ հայտնելով, որ Դուք ՀԳՄ կտրոն չեք տվել, ապա նա նախ պարտավոր է կազմել արձանագրություն, որում պետք է մանրամասն նշի, թե որտեղ եւ ինչ պայմաններում է պարզել թույլ տրված խախտումը, պետք է նշի, թե որ ապրանքի համար եւ ում կողմից կատարված գնման ժամանակ Ձեր կողմից չի տրվել համապատասխան անդորրագիր: Ընդ որում՝ Դուք իրավունք ունեք վարչական իրավախախտման արձանագրման ամբողջ ընթացքը տեսաձայնագրել՝ նախապես այդ մասին տեղյակ պահելով հարկային մարմնի աշխատակցին: Դուք իրավունք ունեք նաեւ չհամաձայնելու կազմված արձանագրության հետ՝ այդ մասին Ձեր բոլոր դիտողություններն ու առարկությունները գրառելով արձանագրության մեջ:

ՀՀ պետական եկամուտների կոմիտե

«ԺՈՂՈՎՈՒՐԳ». Եթե կարծում եք, որ հարկային մարմնի գործողություններում առկա են դիտավորություն եւ ուղղորդվածություն, եթե նա չարաշահում է իր լիազորությունները կամ ցուցաբերում է անպատշաճ վարքագիծ կամ արգելում է տեսաձայնագրել վարչական իրավախախտման արձանագրության կազմումը, ապա կարող եք այդ մասին ահազանգել Պետական եկամուտների կոմիտեի թե՛ գ գիծ:

ԼՈՒՐ ԿԱԴՐ

Լուսանկարն արվել է Գյումրիում



Գյումրիում բացվեց Կամերային երաժշտության դահլիճը: Դահլիճը բացվել է գործելու է Գյումրու թիվ 4 երաժշտական դպրոցի շենքում: Դահլիճի բացման առթիվ բեմում էին Գյումրու պետական երաժշտական խմբերը, դպրոցական, միջին մասնագիտական եւ բարձրագույն երաժշտական հաստատությունների ներկայացուցիչները:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ» թերթի խմբագրություն՝ ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 22.02.2023
Պատկերը հարցազրույցից է. Կարգադր. 4 հարցազրույց 2021

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: